



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus VII. Recensentur animalia immunda quæ non vult sibi Deus offerri. I. De Cygno.

[urn:nbn:de:hbz:466:1-52700](#)

Libido est ignis, si corripiat stipulas, etiam frumenta aduret.

Itaque si illi qui fleverant fletu magno, & injerant foedus cum
Deo, ita se separant à feminis alienigenis, ut eas ejiciant: Tu qui
vix unquam doles, & pactum inivisti cum morte, staturum te pa-
tas, si domi vel alibi retines *Dalilam* aliquam, quam illico amo-
re prosequeris? frustra confitetur qui hoc agit, ejiciendum est ma-
lum ne rursum excrescat. Confitebatur *Sechenias* peccatum suum,
sed cum firme proposito tollendi deinceps omnem occasionem
peccandi.

Habet ergo perfectam hic methodum confitendi etiam Chri-
stianus, quamvis in *Iudeo*: Fleverat ille multum, confitebatur
perte ac plane sine ambagibus, sine excusationibus, & post omnia
timebat non satisfactum nisi alienigenæ uxores, occasio peccati
& scandali, ad unam omnes ejicerentur.

DISCURSUS VII.

*Recensentur animalia immunda quæ non vult sibi Deus offer-
ti. De Cygno.*

Postquam Deus decem primis *Libri Levit Capitibus* recensue-
rat animalia, quæ, tanquam munda sibi offerri volebat in
sacrificium, tandem cap. 11 recenset aliquot species animalium,
quæ vocat immunda, prohibetque non tantum sibi illa offerri,
sed etiam comediri. Quia autem hæc distinctio interanimalia mun-
da & immunda in ordine ad sacrificium, peregrina videtur, pri-
mo & ante omnia inquirenda est causa, quare hæc Deus pre-
cepert?

Respondeo: Primam causam dat nobis *Tertullianus de cibis Iuda-
cis cap 1.* Multa, inquit, à *Iudeis* ciborum genera sublata sunt, non
ut illa damnarentur, sed ut isti coercentur servituri uni Deo,
quia ad hoc assumptos frugalitas decebat, & gulæ temperantia,
quæ semper religioni deprehenditur esse vicina. Sanctitati enim
inimica luxuria est. Hæc est ergo causa prima juxta *Tertullianus*,
quod Deus munda & immunda animalia distinxerit, ut populus
iste

iste rudit continuum haberet exercitium tum temperantiae, tum obedientiae, tum religionis, vescendo mundis, & abstinendo ab immundis, in honorem & reverentiam Dei ita jubentis, atque ita semper coleret Deum.

Secunda causa fuit ut à sordibus & immunditiis idololatrarum, & immundis eorum sacrificiis cibi que longius abstraheretur.

Tertia & potissima fuit, ut per hæc ad munditium animæ excaretur ex una parte, ex alia ad detestacionem peccati: Erant enim ista animalia immunda quasi emblemata, five symbola, quibus varia vitiorum genera exprimebantur, aliud enim apparebant exterius, aliud significabant interius. Hanc causam dat Clemens Alexandrinus Lib. 6 Stromat. Moyses, inquit, qui eruditus fuit in omni scientia Ægyptiorum, subinde in suis legibus utitur hieroglyphicorum ratione, easque tradit per symbola & ænigmata. Ejusdem mentis est Augustinus Lib. contra Adimanium cap. 15. Cum enim hic Manichæus oppugnaret vetus testamentum, tanquam à malo Deo datum, ac nominatim illas leges de abstinentia ab immundis animalibus ex illo Math. cap. 15. Quod intras per os non coquinat animam, respondet S. Augustinus, hos cibos Iudeis non fuisse vetitos, quod per se coquiment animam, sed præcepta ista illis data fuisse ad significationem humanorum morum, & ut futuram disciplinam spiritualis populi Christiani prophetarent.

Sed nihil clarius ad hoc confirmandum, quam quod narrat Arius Tract. de 70 Interpret. Missus, inquit, fui à Ptolemeo Philadelpho rege Ægypti, ad Eleazarum Pontificem Iudeorum, ut eum rogarem cur Moyses quædam animalia vetus esset comedи vel sacrificari, quibus alia gentes utebantur? respondit Pontifex illa præcepta esse Symbolica, qualia sunt Symbola Pythagore: V. G. Statuam ne transfilias, hoc est, ne prætergrediaris justitiam. Ignem gladio ne fodias, hoc est, noli iratum verbo laceſſere: Cor ne comedas; hoc est, dolorem ex animo projice: Per viam publicam ne ambules, hoc est, noli sequi errorem multorum: Hirundinem in domum ne recipias. hoc est, noli admittere garrulos, & plurima talia: Eodem modo cibi illi vetiti vocabantur immundi, ut significanter immunditium vitiorum, & animæ quæ per vitia deturpatur.

Veniamus ad rem: Inter alia animalia immunda quæ nec licebat offerri, nec comedi, ponitur cygnus.

Merito mirantur hic aliqui quare Deus hoc animal prohibuerit:

Quid enim, inquiunt, ista ave nitidius est? quid illius plumis cindidius? quid gratius ipsius cantu, quo, ut ajunt Naturalistæ, suavissime canit cum moritur? nihil refert, inquit *Origenes*, in cap*Levit.* Quia quamvis tam albus sit foris, intus nigra carne est, vel, ut ait *Hugo Cardinalis*, Exterius in pluma habet albedinem, interius in carne nigredinem: Quid hoc à hoc, inquit, significantur hypocritæ, qui cum virtutem exterius prædicant, in animo pleni sunt vitiis: Sic etiam *D. Bonaventura Serm. i de S. Marco*: Plumas, inquit, habent albas ut cygnus, probi enim apparent exterius, sed occultam habent nigrum carnem, hoc est, animam peccatis infectam.

Christus alia nobis similitudine expressit hypocritas quando dicit *Math. cap. 23.* Ve vobis Scribe & Pharisæi hypocrite, quia similes eis sepulchris dealbatis, que à foris parent hominibus speciosa, intus veragna sunt ossibus mortuorum, & omni spurcitia: Exterius nitidi, inquit *Hugo Cardinalis*, interius foetidi: Exterius longas faciebant orationes in angulis platearum ubi maximus erat concursus populi: Et sub illa sanctitatis specie depauperabant in occulto divites viadas: Exterius dabant largas eleemosynas in Synagogis & vicis: Interius nihil aliud quarebant quam gloriam apud homines: Exterius ibant pallido vultu, demiso capite, quasi multum jejunantes, interius erant pleni superbia, & aliis passionibus: Exterius præferebant magnam observantiam legis *Mosaike*, nolebant jurari per aurum templi, nolebant accumbere mensa nisi prius manus lavissent, toties volebant mundari calices, quoties biberent in mensa, clam vero abstrahebant liberos ab obedientia parentum: Exterius nitidi, interius foetidi, hoc est veri hypocritæ, plumis albis, nigra carne.

Nescio an hoc malo magis noxiuus mundo infernus protulerit: Nam in primis, si rem attente consideremus, Hypocritis Filium Dei cruci affixit, & occidit: Quotquot enim huic tragædia maxum apposuere, unica armati hypocritæ ad exitum perduxere. Exordiamur à *Iuda*: Carpebat hic homo *Magdalena* quod unguentum effunderet in caput *Christi*, dicens: Poterat unguentum hoc vendi, & pretium dari pauperibus: Ecce *Iudam* exterius misericordem, & sollicitum de Pauperibus, dum in animo tam immisericors est ut paret effundere sanguinem *Christi*: Vult pauperes vivere, ut ait, & vult interius patrem pauperem interficere.

2. Tam



1. Tam religiosus vult videri, ut non audeat omittere ceremonias agni Paschalis, interfuit enim illi cœnæ *Iudaice*: Imo in alia Cœna, sacrificio corporis Christi interfuit, & communicavit brevi Dominum proditurus. Quid quod osculum pacis ne tum quidem neglexit cum Domino injiceret vincula.

2. Quasi scrupulo conscientiae ductus pecuniam retulit qua Christum vendiderat, fassus se sanguinem innocentem fudisse quando paraverat laqueum ut se suspenderet. Quid poterat hoc homine externa specie esse religiosus? sed quid poterat in animo esse celestis? Hic homo primus fuit qui viam aperuit & stravit ad Christum crucifigendum.

Rem promovere Sacerdotes. Quid illi? retulerat *Iudas* pecuniam pro qua illi Christum vendiderant, vix illam audebant attinere quia pretium sanguinis erat ut ajebant, & sanguinem ipsum fundere non erubescabant. Non licet, inquietant, pecuniam istam mutare in corbonam, quare? quia pretium sanguinis est. Timent inquietare arcam templi pretio sanguinis, & non timent maculare corda cruentis innocentis.

Pergamus à Sacerdotibus ad Pontifices. Conquirunt undique testes, nolunt Christum condemnare nisi convictum ut videantur velle servare iustitiam, interea non rejiciunt falsos testes: Dicunt Christum blasphemasse, & scindunt vestimenta sua, qui erat actus religionis: Nolunt intrare Praetorium Pilati die Azymorum ut videantur servare legem Moysis, & non contaminarentur, interea non curant si Christus irridetur, consputur, & condemnatur die Palchatis. Denique cum fieret eis potestas à Pilato damnandi Christum, recusant, dicentes: Nobis non licet interficere quemquam, quid non licet interficere, & licet magnis clamoribus & minis postulare ut crucifigatur?

Hypocrisia vestra in duplum peccatum vestrum auxit: Si occidetis, soli peccassetis, nunc vero & vos & Pilatum reos facitis numinis trucidati.

Tu vero Pilate, quid aquam petis? abluis manus, & maculas a-nam: Quid proderit eluisse carnem, quando conscientiam foedas? Non audet Christum reum pronuntiare, ne sit injustus, & audet crucifigere ne videatur populo reluctari.

Imo tam vult videri pius, ut cum intelligeret Christum esse Galilæum, hoc est, de potestate Herodis, ad regem illum transmiserit,

veritus alienam ditionem invadere , si Christum condemnasset , & non facit scrupulum illum ad crucem , supplicium latronum , damnare , quem paulo ante pronuntiaverat innocentem .

Quid plura ? tunc maximè voluerunt videri religiosi in specie externâ , eum essent in animo maximè impii : Ergo omnibus auditis , tota tragedia passionis & crucifixionis Christi , ab initio usque ad finem , per hypocrisum subornata , incœpta , promota , & executioni mandata est . Igitur malum est quo nullum detestabilius .

Propterea S. Joannes cum Apoc. cap. 22 recenset peccata quæ homines cælo excludunt Foris , inquit , canes , & benefici , & hominida , & idolis servientes , & omnis qui amat & facit mendacium : Quid hoc est facere mendacium ? mendacium enim loquimur , non facimus : Per hoc intelligit Joannes hypocrisim , illa enim non loquitur tantum , sed etiam facit mendacium , mentitur enim vultu , animo , incessu , habitu , sacrificio , & hoc est facere mendacium : Ubique fallax . Iezabel jubet innocentem Naboth occidi ac lapidari , sed prius indicit commune jejunium , ut videretur Naboth ab ipso met Deo condemnatus ; sic sanctitate jejunii innocentis mortem velat . Herodes se venturum , ait regibus , in Bethlehem ut Christum adoraret , noli credere , gladium parat infanti , non thura , nec aurum . Audio Saulem Lib. I Reg. cap. 15 dicentem : Peccavi , qui prævaricatus sum Sermonem Domini : Non erant hæc signa animi contriti , sed magnæ superbiæ , quia sic loquebatur , ut Samuel illum coram populo honoraret , & ita evaderet ignominiam quam mereretur propter suam inobedientiam . Sic denique Absalon , cum haberet in animo Patrem occidere , sacrificium Deo obtulit . Hypocrisis tota quanta est mendacium , propterea Joannes inter peccata quæ cælo excluduntur , illam loco postremo posuit tanquam præcipuam quæ præ cæteris cælo excluditur .

Si hypocritæ cælo præ cæteris excluduntur , ergo nec templum ingrediantur , non in altari immolentur , cygni sunt , albas plumas habent , sed nigrum animam , noluit sibi propterea Deus cygnos offerri , nec ingredi templum , nec poni in altari , habebat enim illas aves ut immundas : Non sustinet Deus in templo tales hostias .

Imo puto ego quod Christus ad hoc respexerit quando proposuit parabolam de rege illo qui instruxerat magnum convivium ad quod invitaverat obyios quosque quos servus invenerat in plateis ,

cum-



cumque jam mensæ accumberent, ingressus Rex locum convivii, vidi inter alios ibi sedentem hominem non vestitum veste nuptiali: Hoc miror quod solus Rex hoc animadverterit postquam notabilis tempore accubuerint.

Erat ingens numerus convivarum, & nullus hoc reflexerat? si ita, quomodo nullus illum monuit, aut apud Regem accusaverat? faciamus convivas dissimulasse; ubi manebant tot ministri mensæ, qui omnia perspiciebant?

Existimo ego hominem istum significare hypocritam, qui exteriori virtutis specie non carebat, qui fulgebat ad oculum, sordebat in corde. Ideo quamdiu fuerat inter homines, cultus apparuit, sed ubi Rex intravit, per quem Christus significabat Deum, qui scrutator est cordium, deprehensus est sine veste, & sine virtute: Ideoque iussit illum Rex apprehendi, & ligatis manibus ac pedibus extra convivium projici in tenebras exteriores.

Siergo hypocritæ non tantum arcentur à cælo, sed etiam à nuptiis, cur non arceantur à Templis, ne Deo Cygni offerantur exteriori candidi plumis, interiori nigri carne? Si vetus hæc lex in vigore esset hoc tempore, quot deberent excludi Templis, & arceri ab altari bus? tot nempe qui ad Confessionem veniunt ut peccata confiteantur, & retinent in corde quod maximè dictū oportebat; tot qui veniunt Christum quasi osculo excepturi in Eucharistia, sed instar Iude, animo fætido illum prodituri; tot qui videntur Christum externa sua de votione avulsuri à Cruce, Deumque placaturi. dum intus pleni sunt odio erga proximum, & implacabiles, tot deniq; qui scrupulum faciunt in nudis, & etiam graviora passim peccata non curant, excolant culices, inquit Christus de Phariseis, & camelos deglutiunt.

Optimam praxim nobis suppeditat Augustinus in cap. 7 Matth. ad similes lupos sub ovina pelle latentes, detegendos: Cum coepirint, Hypocritarum solum se inquit, similibus hominibus ea ipsa subtrahi vel negari quæ sua hypocrisi consecuti sunt, vel consequi cupierunt, tunc apparebit utrum lupus sit in pelle ovina, an ovis in sua.

Verissimum esse quod Augustinus hic ait, experti sunt duo gravissimi viri: Primus est Discipulus, celebris ille Concionatorum Magister, qui refert Serm. 100, de pœnitente filiâ quæ coram Confessario suo passim ita se humiliabat ut diceret se multorum scelerum ream esse, ob quæ non ipsa modo, sed & alii à Deo plesterentur:

Confessarius hypocrisie subodoratus, in hæc ei verba respondit: Re-
vera, inquit, credo quod ait, nam hoc idem ab aliis de te narrari
audiui: Tum illa in tantam iram exarsit, ut Confessario diceret:
Et tu, & illi qui hoc tibi dixerunt, mentiuntur per collum. Enhu-
militatem hypocrisis.

Simile pæne quid narrat *Nicolaus Cusanus Cardinalis Tom. 2. Extr.
eit. lib. 7*: Mulier, inquit, fuit externa specie moribusque Sancta ac-
pia, quæ frequenter confitebatur, & peccatricem se atque impro-
bam, nequam Dei servam, ore plenissimo profiteri non desinebat:
Confessarius tractandarum animarum peritus, veritus ne, ut *S. Au-
gustinus* loquitur, simulata sanctitas foret duplex iniquitas, post
plures iteratas ejusmodi *Confessiones*, subjunxit Confessarius se
quoque audivisse ab aliis eadem de ea dici à notis & cognatis, pro-
inde tempus esse ut se corrigat & emendet. Quo auditio illa ita
turbari, irasci, ac convitia in illos spargere qui hoc dixerant, &
asserere omnes splendide fuisse mentitos. Respondit illico Con-
fessarius se nunc experiri illam vere esse improbam ac Versipellem,
hominum oculis, instar sepulchri dealbati, mundam videri velle,
sed tempus esse ut tandem ex illo sepulchro resurgat.

Sic seipsum saepe prodit hypocrisia; dum enim virtutis tantum
imago est, & non virtus, dum virtutem simulat quam nullam ha-
bet, dum fucus comparat ut tegat deformitatem, totum venenum
in corde est, serpentes alit in animo, ideo cum *Christus Pharisæus*
repetitis vicibus consequenter appellasset hypocritas, tandem dixit
illos esse *genimina viperarum*. Quid pulchrius serpente si pellem
aspicias tot colorum varietate ac macularum distinctam, sic appa-
ret exterius, sed venenum latet interius; tange serpentem, flam-
mas spirabit & ignes, & tunc videbis quanta fraus sit in pelle, qua-
tantum venenum habet in corpore.

Noli mihi loqui de illis qui ordinario orandi modo contempto,
nescio quam contemplationem affectant, raros invenies qui non
sint hypocrita; vis hoc videre? tantum illos digito attinge, ostende
inceptias, mox erumpet virus superbiæ, iracundia, & videbis
animum omni Passionum genere plenum, qui prius tot speciosis
coloribus relucebat in vultu. Non vult rales homines sibi offerri
Deus, quia Cygni sunt, plumis candidi, nigri carne. Hac de re satis
pergamus ad alia.

DIS-